



*Kamis, 04 Agustus 2022*

**Ogen: Esekiel 46: 1-12**



**Aturen Ersembah**



“Buanglah sampah pada tempatnya”, “Kawasan ini, wajib masker”, “Silentken Hp, selama ibadah”, “Dilarang parkir di sini!”. Aturen-aturen e megati si jumpai i bas kegeluhenta. Aturen ibahan guna menata gelah ratur. Adi geluhta la lit aturenna maka banci ikataken kita nggo rate-ate janah nggo mekarussa. Bayangkan adi kita man tambar la lit aturenna banci jadi nggo over dosis janah banci saja labo malem-malem. Kerina geluh enda lit aturenna, saja megati si langgar asangkan sipatuhi. I bas kalak Israel pe lit kerina peraturen-peraturen si ipesusur Tuhan man Musa nai seh pe man Nabi Ezekiel. Aturen e e me kerna uga ersembah man Tuhan terkhusus i bas wari raya sabbat ras wari raya bulan mbaru. Raja/pemimpin bangsa arus bengket ku ruang si mbelin i bas kerabangen Rumah Pertoton janahna erjimpuh nembah man Tuhan rikut ras bangsana bage pe mereken persembahen si nggo iaturken sue ras undang-undang. Janah tupung bengket pe ku rumah pertoton arus arah ingan si itentukan, bage pe bangsa e pe inganna pe nggo itentukan. Bage me ibahan Tuhan gelah teridah kiniraturen i bas ersembah man baNa. I bas gerejanta pe lit nge ibahan aturen-aturen guna nata kiniraturen. Ibanan aturen perkundul, dilaki ras diberu ipisah, aturen jalur perdalan i bas mere persembahen ku lebe gelah ula sitendengen rsd. Aturen e aminna pe sederhana tapi mbelin kal maknana e me guna ngobah dirinta gelah jadi kalak si patuh nandangi aturen si mehuli, janah si e ngena ate Tuhan. Sabap Tuhanta e me Tuhan kiniraturen.

Buku lain diberikan kepada kita untuk informasi, tetapi firman Allah diberikan kepada kita untuk transformasi. (John L. Mason, *Mustahil Menjadi Mungkin*, 66)